

¡BOMBA!

De tormenta sale banda,
y lloverá hasta el domingo;
a buscar fiesta con gringo,
o ir Chomsky de parranda



K'uintsil

Miércoles 19 de junio de 2024

CAMPECHE · YUCATÁN · QUINTANA ROO · AÑO 9 · NÚMERO 2258 · www.lajornadamaya.mx

Tailandia, yáax nojlu'um tu noojol-lak'inil Asia tu'ux éejenta'ab ts'o'okol beel ichil u yéet xiibil wa ko'olel máak

Tailandiae' leit'e' yáax nojlu'um tu noojol-lak'inil Asia tu'ux éejenta'ab u a'almajt'aanil ts'o'okol beel ichil u yéet ko'olelil wa u yéet xiibil máak, tu jo'oloy yanak yéeytambal ichil Parlamento; lela' jump'éeel ba'al uts taalik ti' LGBTTTI kaaj.

Senadoe' tu éejentaj a'almajt'aan úuchik u yantal 130 u p'éeel yéeyajo'ob táakmuk'tik, kamp'éele' ma' tu chiimpoltajo'obi' yéetel 18e' ma' tu yéeyajo'ob mix ba'alí, walkila' u ts'iibil a'almajt'aane' yaan u túuxta'al yiknal ajaw Maha Vajiralongkorn ti'al u k'a'ayta'al yéetel yaan u káajal u chiimpol'ta'al tu jo'oloy 120 k'iino'ob jts'a'abak k'ajóoltbil ichil Boletín Oficial.

Beey túuno', kéen káajak u chiimpol'ta'al a'almajt'aane',

Tailandiae' yaan u súutul u yóoxp'éeel nojlu'umil Asia tu'ux ku cha'abal le ts'o'okol beela', tu paach Nepal yéetel Taiwán.

"Jach ki'imak k-óol yóok'lal máaxo'ob táakapajo'ob ti' le k'a'anan súutuka", tu ya'alaj Plaifah Kyoka Shodladd, juntúul áaktibistáa táakpaj ti' múuch'meyaj xak'alt u ts'iibil a'almajt'aan.

Ichil u ts'iibil a'alamt'aane' ku k'e'exel u k'aba'il "xiibo'ob", "ko'olelo'ob", "iichantsilo'ob" yéetel "atantsilo'ob" ti'al u ts'a'abal u jeelo'ob ba'ale' neutros.

Beyxan, ku ts'a'abal ti' xibilch'uup núupo'obe', tuláakal páajtalilo'ob je'el bix u núupilo'ob xiib yéetel ko'olel ti'al u máatiko'ob paalal wa u p'atik u ba'alumbáajo'ob.



Afp
Oochel Ap